

Le clave perditte

Un film humoristic registrate durante le 19ne Conferentia International de Interlingua in Bulgaria, julio 2011

(In le restaurante:)

– Io ha perditte mi clave!

– Bon matino!

– Bon matino! Mi clave!

– Caffè?

– No, clave!

– Ah, the?

– No, io ha perditte mi clave!

– Clave!

– Si! Io es desolate.

– Reception? Io ha un cliente con problemas. Si, si! Clave perditte. Si, illa va nunc, va nunc. Gratiass!

– Le reception ... in iste direction.

– Iste direction? Io ascende le scalas? Si? Gratiass. Io va.

(In le reception:)

– Io ha perditte mi clave.

– Ah, vos ha perditte vostre clave?

– Si, si...

– Ah, tu ha ancora perditte tu clave. Il non es le prime vice.

– Esque vos ha trovate mi clave?

– Forsan es le vostre iste...?

– No, no.

– Non iste clave?

– No, no. Terribile, nonne?

– Que triste.

– Que triste! Que face nos? Que face io?

– Ha vos cercate in omne locos?

– No, no, vos ha ration. On va cercar.

– Forsan aliquando special que vos...

– Si, que io ha facite?

– Si. – Ah, que pote io facer nunc? Terribile, terribile.

(Un puera entra:)

– Io ha perditte mi clave.

– Ah, forsan in le toilette?

– Tu ha ration. On va cercar. Ma ubi? Ubi? Esque tu pote me adjutar a cercar mi clave? – Terribile. – Nos non ha trovate le clave.

(Illas exi del toilette:)

– Nos non trova le clave. Que facer?

– In le restaurante?

– Tu ha ration. On va cercar.

(In le restaurante:)

– Ubi esque nos esseva in le restaurante?

– Hic?

– Si, forsan... – Io ha perditte mi clave. Terribile, nonne? – Forsan presso le caffè. No. Terribile.

(Sub le tabula:)

– Ubi? Ubi? Io non lo trova.

– Que face vos hic?

– Io cerca mi clave. Io ha perditte mi clave.

– E tu jam ha controlate tu tascas, si le clave es in tu tasca?

– Io non ha pensate. – Oh, io ha trovate mi clave! Gratias, gratias a vos, gratias. Multe gratias! Ah, io es salvate!

Vocabulario

19ne (dece-none)	controlate	hic	ma	poter	tabula
a	de	humoristic	matino	presso	tasca
adjutar	desolate	il	me	prime	terribile
ah!	direction	illa	mi	problema	the
aliquando	durante	illas	multe	puera	toilette
ancora	e	in	no	que	triste
ascender	entrar	interlingua	non	ration	trovar
bon	es (esser)	international	nonne	reception	tu
Bulgaria	esque	io	nos	registrar	ubi
caffè	exir	iste	nunc	restaurante	un
cercar	facere	jam	oh!	salvar	va (vader)
clave	film	julio	omne	scala	vice
cliente	forfan	le	on	si	vos
con	gratias	lo	pensar	special	vostre
conferentia	ha (haber)	locos	perder	sub	

